

**KENYATAAN BERSAMA OLEH ORGANISASI MASYARAKAT SIVIL**  
**SOLIDARITI BERSAMA SITI KASIM: HENTIKAN SEGALA BENTUK UGUTAN, INTIMIDASI**  
**DAN KEGANASAN TERHADAP PEMBELA HAK ASASI MANUSIA**

**22 JULAI 2022**

Kami, organisasi-organisasi masyarakat sivil yang bertandatangan di bawah, bersolidariti bersama peguam dan aktivis hak asasi manusia Siti Kasim dan menyeru agar pihak Polis Diraja Malaysia (PDRM) memberi perlindungan keselamatan beliau. Kami mengecam sekeras-kerasnya terhadap pihak yang memasang bom jenis *Improvised Explosive Device* (IED) di bawah kereta Siti Kasim.

Siti Kasim merupakan seorang peguam dan pembela hak orang asli yang peka, proaktif dan lantang bersuara tentang pelbagai isu hak asasi manusia, integriti institusi, demokrasi dan hal ehwal berkenaan dengan politik. Namun, pemikiran kritis dan pendirian progresif Siti Kasim sering diancam dengan kritikan serta ugutan yang ingin mengancam nyawanya, dimana pada 21 Julai lalu, pihak PDRM telah mengesahkan bahawa bom jenis IED dipasang di bawah keretanya.

Sejak kebelakangan ini, ugutan dan keganasan terhadap aktivis semakin berleluasa. Kes-kes seperti hilang secara paksa (*enforced disappearance*)<sup>1</sup>, cat dan asid disimbah ke kereta pengarah dan pelakon Mentega Terbang<sup>2</sup>, hantaran bangkai haiwan berdarah kepada wartawan bebas, hantaran replika tangan berlumuran darah kepada aktivis Persatuan Aktivis Sahabat Alam (KUASA)<sup>3</sup>, aktivis Universiti Malaya diugut oleh samseng<sup>4</sup> - merupakan satu trend yang amat membimbangkan.

Insiden-insiden ini amat membimbangkan dari pelbagai sudut. Ia melibatkan keselamatan orang awam, aktivis dan juga pihak-pihak lain yang ingin menyuarakan pendapat. Seolah-olah apabila tidak bersependapat perlu digertak dengan kekerasan. Jika keganasan ini tidak ditangani oleh pihak berkuasa secara tegas, bukan sahaja keamanan dan keselamatan awam, tetapi juga kedaulatan undang-undang dan demokrasi tanah air akan tergugat.

---

<sup>1</sup> [Suhakam concludes activist, pastor victims of enforced disappearance | Malay Mail](#)

<sup>2</sup> [Pengarah Mentega Terbang terima ugutan bunuh, kereta disimbah cat dan asid \(hmetro.com.my\)](#)

<sup>3</sup> [Malaysiakini](#)

<sup>4</sup> [Malaysiakini](#)

Kementerian Dalam Negeri harus cakna terhadap trend ini dan bekerjasama dengan masyarakat sivil dan Suruhanjaya Hak Asasi Manusia (SUHAKAM) bagi mencari satu penyelesaian untuk menjamin keselamatan dan kebebasan bersuara rakyat serta untuk mengelakkan daripada trend sebegini merebak dan menjadi satu norma. Sehubungan itu, dalam jangka masa terdekat, kami menggesa agar pihak PDRM menjalankan siasatan yang telus dengan segera dan mengambil tindakan sewajarnya termasuk menghadapkan pelaku ke muka pengadilan memandangkan kes ini melibatkan kepentingan awam.

Selain itu, langkah terbaik bagi jangka masa panjang, pihak kerajaan perlu mengiktiraf dan mengesahkan peranan pembela hak asasi manusia sebagai individu atau kumpulan yang bertindak untuk mempromosikan hak asasi manusia dan kebebasan asasi melalui kaedah aman. Langkah ini penting kerana dapat memberikan pengiktirafan dan apabila diperlukan, perlindungan yang secukupnya kepada pembela hak asasi manusia.

Di dalam sesebuah negara yang demokratik, kita patut meraikan kepelbagaian dan perbezaan. Libatkan diri dalam dialog, wacana dan debat terbuka jikalau tidak setuju dengan pandangan, dan bukannya menggunakan keganasan untuk menggertak seseorang. Kami ingin menegaskan bahawa tiada sesiapa termasuk aktivis patut menerima ugutan, intimidasi serta sebarang bentuk keganasan oleh kerana beliau menggunakan hak dan kebebasan bersuara yang termaktub di bawah Perlembagaan Persekutuan.

Akhir sekali, kami secara tegasnya mengecam segala bentuk intimidasi dan keganasan terhadap aktivis hak asasi manusia. Kami akan terus bersolidariti bersama Siti Kasim dan menyeru pihak kerajaan agar mengambil serius kes ini, menyiasat dan memberi perlindungan keselamatan Siti Kasim dengan segera. Seluruh masyarakat harus mengambil kisah dan mengorak langkah bersama-sama bagi mencegah keganasan dan intimidasi terhadap individu dan kolektif yang menyuarakan pendapat yang berlainan.

**Disokong oleh:**

1. Suara Rakyat Malaysia - SUARAM
2. Teoh Beng Hock Trust for Democracy
3. Citizens Against Enforced Disappearances - CAGED
4. Centre for Independent Journalism
5. Society for the Promotion of Human Rights (PROHAM)
6. Justice for Sisters

7. Amnesty International Malaysia
8. Pusat KOMAS
9. Jaringan Kampung Orang Asli Semenanjung Malaysia
10. Jaringan Perkampungan Orang Asli Johor
11. Persatuan Semoq Beri Kampung Tompesel
12. Persatuan Orang Asli Jakun Rompin Pahang
13. KLSCAH Youth
14. Undi 18
15. Greenpeace Malaysia
16. ARTICLE 19
17. Gabungan Marhaen
18. Parti Sosialis Malaysia (PSM)
19. Persatuan Komuniti Prihatin Selangor, KL & Perak
20. Baramkini
21. Women Development Organisation Malaysia PJ Branch
22. University of Malaya Association of New Youth (UMANY)
23. KRYSS Network
24. Freedom Film Network (FFN)
25. Jaringan Kampung Orang Asli Kelantan - JKOAK
26. EDICT (Eliminating Deaths and Abuse in Custody Together)
27. UTAR Student Representative Council (Kampar)
28. KLSCAH Civil Rights Committee
29. Student Progressive Front UUM (SPFUUM)
30. Suara Siswa UUM
31. Tunku Abdul Rahman Association of New Youth (TARANY)
32. CIVICUS
33. Persatuan Pendidikan dan Kesedaran 3R Kuala Lumpur
34. Architect of Diversity (AOD Malaysia)
35. Sister in Islam (SIS)
36. Save Malaysia Stop Lynas
37. Apa Kata Wanita Orang Asli
38. Pertubuhan Serikat Rakyat Malaysia
39. PACOS Trust
40. Terabai Kenyalang Heritage Association of Sarawak (TKHAS)
41. ALIRAN
42. Advancing Knowledge in Democracy and Law initiative
43. Pertubuhan Suara Anak Sabah

44. Persatuan Impian Sabah
45. ERA Consumer Malaysia
46. Borneo Komrad
47. Tiada.Guru
48. Sabah Human Rights Centre
49. Engage Network
50. DHRRA Malaysia
51. Cahaya Society
52. Pergerakan Tenaga Akademik Malaysia (GERAK)
53. All Women's Action Society (AWAM)
54. Lawyer Kamek, Sarawak
55. Jaringan Orang Asal SeMalaysia